

EW NAMOPUNG

A awora ukukun \$21,500 seni ewe Monienapen Legislature ren monien an Legislature we Scholarship non Chuuk, me pwan ren ekkoch popun.


EPWE PUNG ME REN EWE TRUK DISTRICT LEGISLATURE THAT:


Tetten 1. Iei a kawor ukukun \$21,500, ika fite chok ukukun epwe tongeni naaf, seni ewe Monienapen Truk District Legislature ren monien an Legislature we Scholarship non Chuuk, fan pungun Sapun 3, Itenap 15, me non ewe Truk District Code. Ukukun wisen emon choon sukun esap nap seni \$3,500.

Tetten 2. Ei ukukun mei kawor non Tetten 1 epwe einet ngeni ewe Meinapen Putaen Education, ewe epwe wisen nemeni fan iten ewe Kepina, ren an ei moni epwe chok nounou ngeni metewe popun mei affat non Tetten 1, esap pwan wor epwe katou epwe napseni ei ukukun mei kawor. Met ukukun ei moni mei kawor esemwo mwokut ika nounou tori non December 31, 1978, epwe niwinsefaan ngeni ewe Monienapen Truk District Legislature.

Tetten 3. Ewe Meinapen Putai epwe awora an repot ngeni ewe Truk District Legislature me mwen January 15, 1979, epwe affatatiw napanapen nounoun ewe moni mei affat ukukun non Tetten 1, pwan affatatiw ukukun nussun mei wor non December 31, 1978.

Tetten 4. Ei Namopung epwe poputa pochokunan nupwen a kapunguno me ren ewe Kepina, ika nupwen a pusin winiti ew annuk inamwo ika esemwo kapunguno.

Annetata seni: 
Datasi Albert
Legislative Clerk/Secretary
Truk District Legislature

Sain seni: 
Koichi Sana, Speaker
Truk District Legislature

Pwinin maram: May 23, 1978

A kapunguno seni: 
Erhart Aten
Kepina non Chuuk

Pwinin maram: May 30, 1978